

甌北集



甌北集卷三十七

揚湖 趙翼 雲崧

揚州觀劇

又入揚州夢一場紅燈綠酒奏軍裳
經年不聽游仙曲 重為雲英一斷腸

回數歡場歲幾更梨園今昔也關情
秋娘老去容顏減 猶杖聲名歷後生

故事何須出史編無稽小說易喧闐
武松打虎崑崙火 直與關張一樣傳

今古茫茫貉一邱恩仇事已隔千秋
不知於我干何事 聽到傷心也淚流

題竹初為袁趙兩家息詞後

余戲述于才游蕩之跡作是詞控於色拙存太守于才亦

有誤詞太守不能斷行

初有息詞了此案

一重公案起無因太守筵前訟牒陳不設青紗圍自解

累君來作謝夫人

各挾雌黃訴到官問羅包老也顛預竹蕉兩造皆情熟

欲判輪贏下筆難

調話袁趙總白癡客嘲賓戲戰交綏兩家旗鼓今無用

同看警門射戟枝

駕蓉溪湯翁得元孫之喜

弧矢懸門映日華沈兒佳話儘堪誇
纓世族知多少

眼見元孫有幾家

對鏡何須鑷白工
桐孫枝又發
孫桐太翁作已非容易
况作人間太太翁

焦山江上爲世世傑與元阿珠

元史名阿珠

董文炳血戰

處事見宋元二史從未有咏之者舟行過此補

弔以詩

江上峯浮一螺碧
啼鳥落花生寺僻
豈知曾閱古烽烟
往往山根見折戟
白鶴船雄排水寨開
戎旃萬舸截江來
箭風礮火吼水立
蛟鼉駭走不敢迴
可憐殺氣乘潮漲
南北戈船互衝盪
一貪佐命立奇勲
一誓捐軀保危障
功臣忠臣共戰場
運異興衰氣同壯
終然浩劫入滄桑
縱有赤心天不諒
烟歆橫空齒蔽江
十萬健兒魚腹

葬我來斜渡一帆風往日兵氛久洗空聞把陳編撫遺
事江山如舊哭英雄山前一片飛濤洶想見當年戰血
紅

謝未堂司寇八十壽詩

卿月歸來宿望懸弧南星正郎中天科名朝右稀同輩
花月江南有散仙映座容顏猶少日云西有少容陶情絲竹白
中年稱觥盛事誰能及雙戟高門入秩筵

到揚州追悼西巖前輩

蠟屐重經廿四橋黃燼回首頓冤銷前遊未久方期續
老輩無多忍使凋歌禠有思民祭社傳經無恨子登朝
半身選作生芻市來補橋元酒一澆

周北張南似比鄰，拈題賡和璧箋頻。
江湖歡會幾忘老，風雨高歌覺有神。
耿耿孤燈書館夜，萋萋宿草墓門春。
十年來往揚州路，哭到先生第五人。

金樞亭白秋齋吳涵齋唐再可已先下世

壽麗川中丞五十

祝嘏歡聲萬戶同，瑤籌增報海天東。
人欣開府頭還黑，春爲催梅萼已紅。
長養和平閭井晏，總持風雅玷壇崇。
從知福履舒長甚，半百年華日正中。

送李拙存郡守移守皖江

襦袴中吳澤久涵，郵亭此日送征驂。
來傳仙李從天上，去有甘棠憶召南。
行轍已難畱郭外，離筵忍復唱何堪。
皖山奪我陽春腳，佳氣先看滿翠嵐。

乙卯元旦

爆竹聲中早起虔望空遙拜九重天歸田身久東臯隱
祝國心猶北闕懸三白臘寒留舊雪五雲曉霽慶非烟
國家大福吾私福身閱乾隆六十年

寄壽子才八十

跋扈詞場一代雄白鬢如雪氣如虹儒仙句曲陶宏景
詩叟山陰陸放翁地占六朝金粉後名高九老畫圖中
錯疑天寵才人極福壽都教付此翁

早拋袍笏罷登場換得林居歲月長到老未除才子氣

多情猶昵美人香

門下多
女弟子

詩篇海內知名姓科第人間少

輩行得不降心投地拜此生幾見曾靈光

燈

出身早脫子衿青堪笑丹鉛尙不停頭白一燈孤館裏

廿三部史十三經

欽定舊五代史刊行故有二十三史

徐殿颺湯緯堂兩明府皆余同鄉舊識也一死金

川之難一死臺灣之難已邀恤蔭今兩家子弟

又送栗主入忠義祠郡邑有司及鄉之搢紳咸

來襄事哀榮兼備二君爲不死矣詩以紀之

表忠祠廟掃榛菅栗主新增配食班曾記招魂荒徼外

竟看分席古人間

祠本祀宋末守城殉難諸公

榮名已白垂方策朽骨何

須返故山各有承家賢子弟靈旗應慰夜深還

天河

國朝集 卷三
誰把虛空界畫粗生將別恨坐黃姑青天爲紙山爲筆
倒寫長江萬里圖

朔風甚急萬鴉集於枯木皆向風而立無一錯互
者乃知其向風則羽毛轉順也向聞魚亦多逆
水而游同是一理

寒鴉枯木景蕭騷觸目都增見地高鳥立向風魚逆水
物生各自愛鱗毛

戲書誇官者

嘶東陽瘦沈腰萬釘寶帶費金銷爾官於我干何事
石無人意氣驕

觀音閣碑

堪笑籌車致祝情，望奢那計一蹄輕。
百金捐造觀音閣，便欲碑刊萬古名。

魴鮓

何鮓有毒魴魚刺，至美中偏不美存。
夜夢忽然來報喜，魴魚骨變作河魴。

紅橋

來往紅橋跡尚頻，朋簪連袂踏香塵。
花明柳暗春三月

白髮蒼顏友五人

以堂松坪既堂春農
及余皆鬚髮皓白

吟社肯辭詩韵險，香厨

各門食單新却因，聽到山陽笛存歿。
關心又愴神

傷西巖
諸公之

歿也

宦囊

國朝集 卷三 五
解綬歸來卜築忙老夫曾此賀華堂看他營造看他賣
何事人猶羨宮囊

夜泛

清游趁良夜風露罨吟身天遠似連地月高偏傍人塵
氛一以淨詩境此焉真何處漁歌起寥寥古渡濱

齋前寶珠山茶一樹數百年物也萬花艷發其光

絳天邀北溪謙齋蓉湖立菴瑩溪曉東緘齋諸
人賞之賦詩以紀

季倫珊瑚高七尺賈胡貴銜紅刺石天公憐我蕭齋陋
賜以寶珠滿院赤山茶難得千辨妍况復老榦數百年
吾家獨擅此奇古其根拔地枝摩天胚胎含英隔年結

蘭栗春來始綻裂大瓣外張六出奇細瓣中噴一腔熱
不知何物染得成世間無此猩猩血東風一吹千萬朵
高下都開笑口歌熊熊日午光絳天嚇得鄰家來救火
火齊木難在擅名以名嘉樹乃真可此時安得無杯盤
爰邀素心來盡歡家貧不能列歌舞借此聊作紅粧看
便如張鎡畫堂宴妖姿十隊胭脂丹又如三千殿脚女
錦衣菴服明江千尊前忽然大富貴景象一洗儒生酸
斜陽過墻日將夕花光流艷照座客樹老花愈紅人老
頭愈白白頭映紅花頓覺老態失未醉已覺朱顏酡大
得此花增氣色

偶題

施嬭環燕總嬌姿幸不同時各擅奇若使同時相比較
就中又自有妍媸

插架

插架圖書于一編蕭齋晏坐意超然自尋呼吸驚人句
不羨腥羶使鬼錢務觀醉醒文字裏堯夫生死太平年
似聞天上多官府又怕飛昇去作仙

題北溪謙齋蓉湖三壽圖

潞公曾有言獨壽苦無奈故交零落盡所遇少年輩捧
杖纔接談避席輒思退所以洛社開廣結老人會盍簪
非一姓佳話已炙膾何哉一門中乃有三耆艾吾鄉北
郭劉名行著當代傳經守家學出仕溷官誠北溪判隨

州事簡參佐解不肯傳舍視辛勤績報最政成賦遂初
腰脚尚健在謙齋早摘科蜚聲鳳羽翹作令歷閩粵所
至有遺愛歸老尚苦吟詞壇樹旌旆蓉湖擅經藝設教
先在浦旋宰駱越鄉兵後撫凋瘵官罷貧不支盤餐仍
咬菜懿茲好兄弟鐺脚洵相配幼已讓棗梨老猶共鋤
耒人總一堂上年皆七旬外新詩擘紙賡先訓書紳佩
無煩出門交自有聯牀快寫照者誰子濡毫得其概林
下三白頭善氣迎人藹巾屨各飄蕭松石互暎帶一幅
列仙儒倏然脫塵壘遠比三茅君游戲良常界近追壽
愷堂壘麓耄猶對笑彼耆英枉勞徵冠蓋娛老求友
聲豈如家庭內花萼久更榮桑榆晚未暖衣冠真盛事

千載此寶繪

暮景

天教暮景尚飛騰一兩芒鞋七尺藤里有老朋堪結社
山無游伴且尋僧詩成枕上晨揮翰花滿欄前夜點燈
此是晚年消受處向來流蕩愧何曾
已無一事可垂芳稍稍家規自立防食儉祇憑三韭菜
養衰敢望獨參湯詩篇久斷吟紅句鬚髻羞爲拔白方
七十曰傳原古訓早將生計付以郎

范我亭孝廉得二扇面一爲倪元璐畫石一爲張
煌言自書江上聞笛詩合裝成卷索題敬書於

後

巡遠睢陽哀張陸匡門厄皆因同死事連傳在史策此
卷兩忠臣先後廿年臨一攀鼎湖髯一銜精衛石死固
非預訂生并或未識手筆乃各傳無端作合璧四明范
莪亭夙有嗜古癖書畫廣購藏兩筮快新獲嘆其義烈
同聯之幅盈尺我閱倪公畫片石寫寒瘠想見骨力堅
卓立千仞壁我讀張公詩間笛秋江夕和以激楚音直
逝烟竹裂二公梁翰時豈意共素冊遺壘一朝聚相映
光愈赫遂覺橫卷中淋漓滿紙熱石無巨鼈戴笛有老
蛟泣當年滄桑痛耿耿尙如結兩氣化一虹雙血凝一
碧白非搜剔勤曷萃此名蹟殉節前賢事表忠後人責
緜素垂千秋應可慰毅魄

題周山茨觀察老圃秋容圖

冷豔離離入焦墨不寫春華寫秋色風光偏稱白髭鬢
是我故人幾不識公昔登科最少年吹簫子晉緱山仙
明光奏賦不起草搖筆壓殺才人千遂乘露朝按五管
清風瘴掃蒼梧烟我從詞垣早師事出守又為公屬吏
鎖院秋燈酒共傾壬午秋高粵江夜雨舟同繫已丑自端州彈指
俄驚三十春雪鴻往跡不堪論公會出塞悲流徙洗亦
歸田作隱淪此時尚說香晚節三尺兒童也笑絕豈知
人各有秋容何必升沉共一轍君不見陶家籬韓相圃
一在岩廊一環堵後先兩個菊主人一樣清芬古千古
公今才望隘九州書法况埒虞褚歐煌煌碑版照四裔

宦雖未達名長留此正暮年着力處不徒占盡老風流
只憐同作揚州客幕府沉沉幾重隔何當攜手菊花天

醉倒落英紛滿席公方客麟使幕中

時交夏至久晴難以翻犂地方有司方斷屠祈雨

忽甘霖連至喜而有作

好雨如償券平疇待插禾世無邵伯久天怕杞人多早

聽驅秧馬寧嫌長麥蛾麥濕則生蛾先生輟耕慣亦且試青篲

松坪招同葉生栢秀才高詠樓看荷花五首

老去心情愛物華肯同新婦閉帷車蹣跚行脚麻茶眼

同向湖隄去看花

少日疎狂作冶遊那堪還占老風流惹他十里珠簾捲

多少紅妝笑白頭

延緣一棹過紅橋早有荷香陣陣飄解事扁郎不煩灑
但花多處便停橈

山是堆成水挖開憑空幻山好樓臺老夫五十年前到

曾見平山本色來

余已巳遊揚州惟平山堂及法海寺餘皆斷溝昔
聖而已今湖山樓閣則皆庚午後開闢補苴者也

高詠樓前飲碧筩凭欄千朶絢晴空蓮花本是君家面
還與先生發醉紅

送武進邑侯湯春叔

衝劇端資令宰賢花封借寇忽三年最難巧婦常無米

偏矢文臣不愛錢告訐無人投鐵匭

君在任民間無
搭臺運倉事

平反有

母問蒲鞭

太夫人嘗
以愛民為

不知武進民何福頻遇官清得晏眠

前令
謹

山亦以
清節著

但聽攀轅嘆息同聲從輿論自然公來時欲庇千間厦
去日惟餘兩袖風揚柳離情隄宛轉黍苗餘澤野青葱
還期麾蓋重來日慰此迎途竹馬童

題蔣于野秀才一莊水竹數房書圖

三分水二分竹昔人擬構一分屋有屋倘無書有書倘
不讀水雖清亦濁竹雖幽亦俗何哉蔣徑兼此三乃猶
以書腹笥蓄逸必訪西陽秘不讓天祿王家巾箱鄴侯
架卷之於懷不盈掬有時鎔鑄出偉詞一掃不顧千飄
禿是卽馬磨棲蝸廬宿已賽人間杜韋曲何況門對一
泖澄牕映千竿綠我欲從君一甌借畫圖早識門徑熟

所謂伊人宛在水何可一日無此竹

答蔣蔣山秀才

歷數名場幾作家後生中有此才華白頭老嫗看新婦
恨不親爲插髻花

爭名

文士相輕古有之詞場壁壘各堅持集偷沈約嗚爲賊
經授選明不奉師村女插花偏自好醜人詬鏡果何私
千秋自有無窮眼豈用爭名在一時

贈當筵索詩者

盈盈十五出堂時妙轉歌喉勸客卮也是人間生活計
老夫和淚寫胭脂

題楊斐園許堂長卷

平泉醒酒石忽落他人手壺中小九華瞥眼不復有一
卷之多難世守石不能言乃能走何哉楊氏清白貽獨
以一硯當鼎彝令子護持築精舍名流矜賞摘妍詞五
世其昌果奮跡道是石田田不石濡毫鶴眼掃犀眉兄
也掇科第通籍魏徵牙笏王祥刀遺澤燾後多賢豪况
茲文房之珍逾拱壁載得家學傳風騷香霧黯凝文養
豹黑雲滃起詞騰蛟會與紗縠巷中魚膚碧坡頰二老
名同高

側門

側聞蠻徼暫軍興籌筆何當効薄能曳足尙思觀鼓噪

綃頭已自怯車微掣韉漫擬饑鷹起伏櫪難爲老驥騰
顧影夜深私自嘆征南刀久血痕凝

入冬日飲牛乳一升以代朝粥戲成絕句

曾傳耆粥養衰翁服食還輸乳汁功白髮人爲黃口哺
老夫奇訣已還

清晨飫我乳花香省得張蒼子婦忙笑問妳婆何姓氏
遙遙華骨出奇章

訛寢蕭閒顧影騎愧無錦薦護寒宵柵欄爲築新牢就
也算莊嚴貯阿嬌

服匿盛來日一甌瓊漿滿引潤枯喉卽看下咽如脂滑
不用周官更祝鳩

縱無燥濕効微勤乳哺功深自策勲合請戴嵩爲寫照
丹青貌出野王君

久食功堪奏養和君羶氣亦染身多老饕自愛醜醜味
任把臊胡喚達磨

昔人曾飽穀於菟何似芻牢給所需老健定堪牛門虎
看余矍鑠執爰驅

書生貧易德壺殮飲酪先誇至味存何限世間豪貴客
還將人乳去蒸豚

張松坪輓詩

宦跡曾兼館閣清遂初早賦見閒情生來獨占中秋月

君以中秋夕生老去猶高第五名君行與我清談交最久畏君白戰

句先成何期高詠樓前宴事遠作黃鰲感隔生

徵歌白雪醉紅霞
觴詠相隨十載賒
天上神仙原富貴
江南花月最繁華
歡場絲管春如昨
暮景桑榆日易斜
他日橋元墓前過
不知腹痛幾回車

芸浦中丞昔守吾常
今來撫三吳枉駕過
存修及門禮榮及老夫
多矣長句賦贈

畫舸油幢喧水驛
長官負弩吏執戟
滿城士女動歡聲
來迓中丞新使節
中丞昔日守常州
召伯棠陰處處留
廿年再到頭還黑
五馬今看換八驄
特達

主知三錫命總因敷
歷丰裁正露輶行
流春雨膏星符
下肅秋霜令三移
晉旆兩滇藩操履
無疵風力定遂膺

節鉞莅江天黃霸重來過潁川駢襍兒童俱壯齒攀轅
父老尙華顛此是宦游得意事去思碑在白來看開府
官高量逾擴胸納全吳已綽綽風氣今殊舊冕開挽回
特布新條約仁心清節馳先聲早識羣黎得所托野老
幽居少送迎感公高誼枉千旌榮光照到桑榆暖暮景
飛騰倍有情寒家衣食計粗足敢向陸莊問荒熟公今
手撫百萬民江北江南盡待育但期廣廈千萬間徧覆
窮欄安且煥腐儒已在壽庇中安樂窩成眠坦腹便如
鄉置鄭康成不用肝分閔仲叔

送豫堂學使還朝

雙旌北上詔鑿坡江左人才盡網羅

帝重鑿衡舊任久

視學凡兩任

士經指授發名多金門對策三

千牘玉署論資十六科秘殿從容看畫接沙隄竚看曉

鳴珂

雁行兄弟記當年瞥眼分飛忽各天一出虞翻長去國

此行景倩若登仙趨朝曉日鈞陳仗把鈞秋風笠澤船

別後相從更何日吳雲燕樹兩茫然

劉雲房少宗伯視學江南話舊賦贈

纔從棘院奏賢書蕩節衡文又特除

典江南鄉試即拜視學之命

人仰韓

門如北斗

帝教吳會得南車三江波淨心同澈八座班高髯未疎

看取人才入陶鑄後生都勉帶經鋤

清切班常侍 禁廷旌慶令 喜過郵亭天涯舊雨爲今
而江左文星即使星管客丹鉛頭已白故人車笠眼猶
青追思三十年前事鎖院深談酒半醒

記壬午同
校京闈事

自笑

一甌著粥涕沾鬢背曝茅簷手擁爐試問古來麟閣上
畫圖可有此形模

恭讀邸抄九月三日

皇上冊立

皇太子以明年丙辰元旦舉行歸政大禮紀元嘉慶
普蠲天下地丁正賦又全免漕糧

嘉慶洪施曠古未有懽忭莫罄恭紀以詩

國朝集 卷三
十行丹詔普祥暉

特簡

元良授萬幾付托得人天下慶康強傳位古來稀
九霄玉宇尊無尚萬里金湯統有歸禪代自行熙自緝
精勤猶未釋宵衣

治定功成六十年又將精一付心傳笑他高孝非
親子并覺勳華少象賢盛事更無前例比隆儀先
勅尚方編織臺那復留微缺信有天麻昇

十全

御製十全
老人說

玉殿笙璫廣樂陳升階大禮集初寅宮中

後聖承

前聖仗下新臣臣臣合節青陽春左个初暘紅旭日

重輪 熙朝事事皆佳話兩度元年兩丙辰

禮成禪授湛恩覃比戶歡聲遍朔南田盡賜租何

論半漕皆蠲粟俸餘三華顛拜爵多朝紱白祭停

春少市鉗

慶是非常恩過分儘畱史冊作雄談

聖謨傳子寓傳賢家法真開萬代先早識垂裳能協

帝非關脫屣為求仙

鴻名已却羣臣表

預勅臣工不得上號

鳳紀仍增大丙年

宮丙仍以乾隆紀年

一一

睿裁皆為典大安德壽敢同編

衮龍袍袖領朝元宮府依然統一尊却代

上皇禮

上帝幾稱

天子作天孫

郊廣天刑星
嗣皇帝親行

扈遊繡甸娛韶景問寢彤墀候

曉暉還待井中登岱日親扶玉輦到雲門

信有洪麻備 聖朝紹庭典已百王超謳歌有屬

因傳啟美善兼全為紹堯羅郭金旣完四塞泰階

玉燭朗三香從知創闢靈長運億萬斯年繼序遙

射策曾叨占大科巢痕歷歷記鑿坡喜聞

絳殿傳瑤璽猶想花磚步玉珂望

闕尚懸心誓赤戒途已法髻新皤衰殘及

離照

合譜光華復旦歌

曉起

街柝聲殘夢乍回
一星宿火隱爐灰
曉寒正懋重衾臥
却被詩成催起來

甌北集卷三十七終

尾七集

卷三十七

七

[Faded vertical text columns, likely bleed-through from the reverse side of the page]

甌北集卷三十八

丙辰

陽湖 趙翼 雲崧

嘉慶元年元日試筆

履端晨正雨如膏
椒酒今年興倍豪

龍誥欣傳

新黼座羔純仍有舊
宮袍推搯遂作

三朝老著述將成一尺高
嘉慶元年年七十後人應羨此

翁遭

芸浦中丞邀我邳尉看梅
葦樓芷堂先在蘇相待
遂同游連日并偕蔣子野秀才

廿年此願今纔果
爲有佳招發興新
行樂也憑賢地主

腐儒何事不因人

燈節前頭雪壓枝梅花今歲較開遲花神大似畱相待
二月初來正及時

點役簽夫曉鼓催幾同啣道看山來惹他村姬從旁笑
不是官梅是野梅

老幹空山格自高難將勢位屈孤標我來只帶諸名士
壓得梅花不敢驕

漫將孤寂結相知豈識瑤林四照奇笑煞老連真小兒
賞心只在兩三枝

園丁種樹豈因花爲賣酸漿水去聲齒牙翻與山村添韻

事錯疑比戶總詩家

想見名卿氣力雄，要留爪跡雪泥鴻。
黃金買得春山闊，

死葬梅花萬樹中。
山存徐健菴墓

料理舟車縱客歡，官齋獨對一燈寒。
中丞枉作梅花主，

只讓人看不自看。
中丞以事不得同遊

忍為清游攬景光，累人連日費俱張。
一帆歸向山塘過，

自買名花種草堂。
虎即買牡丹四盆海棠一株

戲題靈巖山館
畢秋帆制府別業

靈巖千古屬西施，亭館何人鑿翠為。
要與美人爭勝蹟，

秋帆此處是男兒。

手種梅花已丈餘，相需殷每遇偏疎園林間。
煞公忙煞

足壺頭正羽書。
湖南征苗公方督辦軍需

愛山我乏買山貲公有青山只夢思何不把山來贈我
省他猿鶴盼歸期

閱近人詩稿戲題

名士求名氣力殫到頭不出百年間那知世有神通大
臥作長河立作山

七十自述

不覺駸駸歲月征觀河童耄暗中更生當

盛世身何幸老作詩人業已輕學問就衰那復進功
名非福不能成祇應飽吃殘年飯扶杖田間咏太
平

青髻歸來到髯皤塵緣幻妄漸消磨世無拘束容

聲叟境有繁華付夢婆識字讀書千載上食租衣

稅廿年多較自古書生命畫粥燃棟不膏過

童年回憶舊艱辛天下無如我最貧孤露更誰舟

贈麥饑寒長自甑生塵墮瓜亭是傷心地踏菜園

悲薄命身最是餓驅北行日離懷痛絕倚閭人

長安索米悵何依年少江南一布衣入洛陸機詞

賦滿游秦張祿姓名非

京闈以顧姓應試

壯心有劍雞催舞

浪跡無枝鵲亂飛羸得虛聲供嚇鼠甘三經義一

時揮

以五經獲解

東華初步軟塵紅移直樞曹地望崇五夜趨朝雞

唱月九秋出塞馬嘶風沉沉鎖院聽鈴索漠漠周

陸挽角弓六載似勞差自慰西師及見告成功補

書入直軍機前後凡六年時方用兵西陲

歷歷巢痕記憶真一時風氣一時人曾因保直深

嚴地及事當朝老大臣門館無私心似水衣冠有

慶物皆春只今回首平津閣慚愧曾充座上賓請傳

文忠注文 端二公

寸寸鮎魚上竹竿生平一第最艱難不周山下頭

曾觸無定河邊骨欲寒辛苦醫家三折臂渺茫伸

路九還丹誰知禿盡中書筆方得詞人本分富會

凡七度 始建式

一桂枝高手已攀臚傳聲裏另排班雖非五色蓬

萊頂猶占三茅句曲山千步御街中道出一條軟
繡九衢還人生此福難消受老去追思轉汗顏
頭銜已失冠山黿猶豨西清供奉勞

盛世文章臺閣貴清班官職鳳麟高奎堂校士春蠶

葉官燭修書秋兔毫斗食敢嫌饑曼侍書生榮遇

是詞曹三度分校去蘭一王武鄉
試修書方以器凡四年

單車迢遞赴邊城出守方嘗外吏輕正欲拊循為

父母豈知伉直忤公卿水中見蟹猶生怒杯底逢

蛇得不驚猶仗

御屏題筆在在京蒙恩
記名凡云彈章未敢斥歸耕出安以交
南事詩夜勁

滇徼從軍掃劫塵奉命赴滇
從軍征捕千層瘴嶺踏嶙峋山深

應有藐姑射路險且隨生女真

時與索倫
兵同行

千檄淋漓

常脫腕一刀磨洗不離身沙場戰死男兒事多愧

今猶作幸人

歸途重入粵西天父老紛迎拜馬前其喜未爲兵

死鬼自慚不作肉飛仙山川劫外無虛警雞犬村

中有晏眠笑語土民釘未拔可應戶出拔釘釘

萬山深處喜民和不用刑威但撫摩地遠中原游

客少天連南極老人多雞豚晚社爭扶醉土女春

墟解唱歌辜負此邦輿誦好一轅千里送關河

移守

廣州數月鎮安民陳均等不

遠四千里送萬民衣襪至署

量移東粵理繁艱首郡叨塵領剛班謬忝作兄諸

弟上頗難為婦兩姑間沉沉曉鼓應官去落落壽

旗按部還一事差僕壯游志羅浮頂看海迴瀾廣州

謝事作羅浮之游

露輞星旌到夜郎漏天滂雨暑天霜人來青瑣原

仙吏地入烏蠻是鬼方黔東為羅施鬼國黔西為羅播老國臣子敢論官美

惡

君王自重治循良只因慈母當歸字望斷吳雲萬里長

三政歸裝一擔輕白華養母仗躬耕豈期空谷歸

种放猶荷

深宮問賈生歸田後蒙恩垂詢者再仕宦還鄉修孝弟文章報國頌昇

平只餘六載循陔處稍慰烏私一片情

負土營成馬鬣堆祥琴彈罷逸期催路旁有鬼看
先笑命裏無官病忽來臂疾竟成將朽木肘方難
起不燃灰中流返棹何勝感風到神山輒引迴京

袖宮兩臂頭患風

瘴台臺兒莊回舟

藥餌多年病漸消回看同輩盡旌旌胸中五嶽平
猶起頭上干薪積已高老態豈堪還舞袖交情難
受是綈袍濟時功業原須早搔首徒深感二毛

買得湖干築草堂疎籬曲檻水中央誇張有絹千
頭橘防備無衣百木桑寒士鑿鹽原易足少年練
覈已粗償無端失計移城市貪慕東坡住顧塘公

舊萬顧塘橋遺址向
存余居與之鄰近

坐居何物可消閒依舊書生靜掩關尚有眼光牛
背上不消髀肉馬蹄間半篝殘火聽譙鼓一縷名

香裊博山訂罷史編翻自笑午卿甚事苦增刪

方輯

咳餘

叢考

忽入繁華夢一場頻年踪跡落維揚豈應垂老冬

烘客來聽清歌夜度娘高館論文移座滿疎燈看

奕引杯長後人倘茸平山誌莫便疑爲杜牧狂

楊州

王安定
講席

烽火遙傳海上洲故人邀我作閩遊也因國事來

焦額豈必邊功自出頭人命死生三寸筆軍儲羸

縮五更籌誰知大戟長槍裏薄有書生一得謀

臺

用丘佐閩督李
欽齋幕府一年

重到揚州設絳幘論文又作數年淹蠅頭細字宵
燃燭麈尾清談晝下簾小住本同吳市乞久留恐
被楚人鉗故鄉自有佳風月留待詩人甲乙籤

游跡生平萬里賒老猶登覽愛雄誇出無定向由
諸僕山各殊形不一家千里遠探廬阜瀑半空高
躡幔亭霞所慚題筆無佳句剩與村姑唱采茶追記

匡廬詩
夷之遊

流光難挽魯陽戈漸欲經營安樂窩與我偕行惟
竹丈非人不暖有湯婆詩傳誰復將絲繡身老何
堪與墨磨回首壯年豪俠處曾衝鼻息拂星河

已是禪堂退院師曼卿意氣尙酣嬉閒中譚語談
天口老去雄心弔古詩留客且爲無事飲對花還
作有情痴羨之樂死從今定濕哭乾啼總不知
踏遍岐途識淨因塵勞總誤百年身無官豈必皆
高士有福何須作貴人莊叟老爲齊物論堯夫生
是太平民瓦盆小酌茅簷曝領略兼呈一片淳
昇平郊藪鳳麟游無限英才要出頭詞賦爭誇今
李杜山林并少假巢由衰殘敢自居耆宿宏獎翻
愁談俊流聊與擴開新眼界梯枕更上一層樓
瀛海升華若木枝

天家內禪創鴻儀龍辰上日

親傳統

鳳紀初元普錫禧朝右表箋稱

一聖人間耕鑿享重熙千秋難遇今親見始覺吾生幸獨

私

少年意氣慕千秋擬作人間第一流豈意壯懷三
不朽終成老物四宜休隙駒虛擲分陰過皮豹徒
憑一卷畱若果輪迴有來世誓從髻鬢便勤修

胡黃海遊揚州以京師諸公贈行詩裝成長卷作
圖于卷端題曰驢詩圖來索題戲賦一絕

作客邗溝已半年腰纏十萬贈行箋世間有此揚州鶴

只昔詩篇不肯錢

題女史駱佩香聽秋聲詩集

冰雪新詩絕點塵女中有此謫仙人故應數遍樵陽籍

只替常儀作後身

集中女遊仙詩第一首云不是姮娥竹
獨處何人領補廣寒天蓋以自况也

倘着冠巾試萬言也應第一領詞垣如何不學黃崇叔

去作人間女狀元

禮佛香清手自拈禪心已證首楞嚴教人癢煞貽教背

不敢思他鳥爪尖

此豈宜居弟子行詩翁漫詡在門牆上元燈下千詞客

方待昭容玉尺量

簡齋夢杜甚
誇為女弟子

再題佩香秋燈課女圖

東坡要兒愚且魯生女何必求聰明一分才折一分福

不慚進士徒虛名豈知深閨讀書種也要傳心度針孔
佩香女史絕世才忍使清芬無接踵手撫么絃傷寡鵠
巾箱况少遺孤續一个嬌娃解語花綺牕親課秋宵讀
梧月蕉風夕館涼一燈如豆光微綠風詩誦到栢舟篇
女未知悲娘暗哭篝火書聲夜漏遲依稀柳母舊家規
可憐一樣九熊苦他課男兒此女兒

慈孝松歌

宋末歙人鮑宗巖遇賊龍山被縛於松樹將殺
之其子壽孫乞代父死宗巖願身死存兒以奉
先祀賊兩釋之事見宋史其地有兩松一虬枝
若被縛狀一低亞若乞哀者後人呼爲慈孝松

今裔孫肯園訪其處築草堂以祀繪圖來索題因
爲作歌

石痕血漬忠臣影連理枝標苦節耿由來至性有不磨
木石無知亦悲哽龍山雙松古翠色鮑翁被賊縛松急
見願代父作肉糜父乞存兒延血食當其父子爭死時
豈謂此情足感賊庸知屠伯亦苦心放下歐刀手無力
熱鐵橫空漏刃歸老松也喜解腰圍一株如東一株拜
肖出臨危論瘦肥路旁過者競指點此喬此梓人間稀
嗚呼事往五百載松已難尋世屢改猶存初孫訪故基
堂構重新發光彩乃知慈孝植根深布葉條枝直到今
王槐郊桂科名樹看取千霄侶鬱森

傳有弗絕或轉在僉荒牛溪負蒼子蜀肆籩桶郎先天
秘獨得遠接羲農黃所以皇極書理托漁樵彰隨安夙
善易河洛括一囊觀象契輔嗣玩占追京房義補九師
缺論折五鹿狂三十六宮春妙悟無盡藏爰取康節意
作繪粉墨香一我化兩人相對春山蒼倚擔憩射的垂
竿釣滄浪披圖如聞聲元言入微茫我老昧根窟名理
多未詳混沌未闢始太極寄何方天象取風雷何遺日
月光五行有金木不列六子行坎水兌爲澤一物又作
雙川更證左氏傳同卦乃異草獲狐秦師勝從馬畢萬
昌其詞似彖辭何以殊文王斯皆疑所蓄誰爲析毫芒
漁樵兩仙真奧旨窮陰陽試以此相質乞爲細闡揚樵

妬口如何亦稱好乃知一樣眉目清天獨爲他陶鑄巧
我來作客十餘年看盡梨園舞袖翩太息逸仙空彩格
老來方遇鄂君船髣髴禪榻茶烟颺腸斷春風擁檝憐
高旻寺鑑公房夜看牡丹戲書

一枝濃艷倚禪房銀燭高烧照蒲廊我欲嚇他禪定破
老僧深夜對紅粧

揚州買芍藥攜歸而齋前寶珠山茶已開過矣

已向山塘買牡丹又攜紅藥到雕欄惹他千辨山茶妬
家有名花不愛看

題楊隨安明經漁樵問對圖

圖取邵子漁樵
講辨易理之意

去古日已遠易學漸失亡文八選詞藻祝史炫襍祥真

計五官歌

紫稼歌殘薊苑霜

吳梅村集有王郎曲即名紫稼

自年曲部黯無光天公怕

斷烟花種又出人間計五郎計五生來好姿首家近虞

山黃子久竟體香分景滌蘭纖腰軟入靈和柳天風吹

落到揚州一日聲名不脛走冠蓋西園夜賞花笙歌北

里朝酣酒偶然斜睇眼波橫勾畫滿堂竟不守座中者

宿也發狂簾內嬋娟自嫌醜無人不愛鄭櫻桃只是有

心難出口揚州樂府聚風華陳寶

陳大寶

秦坑

秦坑音看坑人之稱

人其誇

絕調能翻金縷曲手容雅稱玉鈞斜小垂手博纏頭錦

初上頭添繫臂紗計郎一出爭相惱歛避都甘作房老

尹邢豈但怕相逢元白已皆慚壓倒若非占得十分妍

則棘斯斧漁則網挈網指我採薪路引我醫魚航幸勿
屬道籥斬此緒論長徒使柯欲爛漫謂筌可忘

湖南逆苗湖北邪教先後滋事官兵攻勦尙未殄

滅江村聞信詩以遣憂

一百餘年息戰爭此生久擬老昇平誰知粟里人扶杖
忽聽潢池盜弄兵莽莽樊城原燎火滔滔澗水血流聲
執爰敢忘前驅志衰病徒悲髀肉生

題吳雙湖郡侯畱琴放鶴圖

琴鶴吾家清獻物雙清佳話至今述使君勵節乃過之
去鶴畱琴二而一或疑此舉殊茈茈鶴料無多費幾錢
庸知愛物施干政要使飛翔適其性警露聲常徹九臯

國朝集 卷三
二
凌霄姿豈樓三徑，
氈氈強使舞筵前。
人自嬉娛鶴則病，
呼童開放恣高飛。
正是揮絃目送時，
非爲銜珠期雀報。
恰如解網縱禽歸，
由來康濟持心厚。
物尙蒙恩况老幼，
鶴去猶餘玉軫彈。
朱徽早叶和平奏，
佇看比戶頌醒愉。
放鴿金籠爲公壽

邵松阿落一首已而落處更生所謂見齒也走筆

奉賀

憶昔從君少年日，
利齒剛牙快鋪猷。
舞陽盾畔一旒肩，
不怕生吞口帶血。
忽忽四十年，我老作牛斲。
會官打牙，
犴狴鄉竟儕鑿齒。
唯喏列軟飽，惟資張蒼乳。
柔存幸剩，
商容舌空齟。枉想過屠門，
以咀代嚼味不出。羨君頤齟

尙無恙編貝堅完不兀臙偶焉弱一个畧似童牙靴非
遭鄰女梭豈被邏卒擊尙堪石之激何妨屣之折胡爲
落處又萌生宿草去想起新葉琴軫方愁雁柱虧瑾泥
已塞狗竇缺古稱兒齒信有之新發于硯倍剛烈有如
老將力將竭添以生軍再盪決童子行先尊勝隊孩兒
兵壓依飛傑問君安得此寧馨英銳獨擅昆刀切定可
陷堅爛似泥寧徒吐慧艷於雪斯乃壽者相專爲老人
健飯設東魯旣並黃髮頌北齊况傳智牙說知君尙有
萬羊未食盡天遣雍齒封侯助饕餮噬腊堪稱程敲金
沃濡應賽來嚼鐵笑我空將饒口張方倚杖鳩祝哽噎
蔚亭方伯過虎邱得詩八章大指謂繁華勝地多

國朝集
卷三
三
耗物力而可以養貧民此意向來遊者所未道
足見公遊賞中尙不忘民依也酬以長歌

四座且勿喧聽我歌虎邱虎邱舊是埋香處至今風月
粵千秋七里塘移市忒利于人石寫山之采花柳營邱
圖畫景亭臺蓬海青紅樓僧寮淨開琉璃界妓館艷拂
珊瑚鈞更有惜董擅絕技妙奪天巧窮雕搜綵花欲招
飛蛺蝶棘刺能刻生獼猴搏土爲人偃師舞擘箋畫鬼
期思愁鳩筇臆滑邱斤斲螺鈿璀璨襄樣鬆地大物齋
景奇麗遂使過者眩兩眸香車寶馬鬧如織兼有桂楫
沙棠舟金盤玉盞關珍錯舞衫歌扇招嬌羞豈惟豪客
恣揮斥老慳囊亦倒不畱我來頓發大感慨奢靡日甚

俗益媮銷金鍋成無底谷耗盡財力此治遊曷不禁之
返樸素遍驅熙攘歸鋤耨蔚亭先生乃大笑腐儒泥古
慮未周太平生齒日繁盛安得尙有閒田疇正藉侈豪
崇愷輩漏卮餘瀝沾黔婁一毛未損巨牛背寸鬻已飶
饑鷹喉不然坐看萬游手教渠何處口實求將隨呼盧
袁彥道肯作賣藥韓伯休我聞遽擴瞿粟眼知公默運
迴斡籌爲一家計要囊括爲天下計須泉流入詩足抵
食貨志區區晒我日曉謀惠政已傳碑在口清詞兼令
石點頭偶然游賞亦康濟足覘後樂皆先憂

蔣春農同年挽詞

秘省抽毫麗綺霞遂初中歲別東華江湖盟長諸名士

碑版文推一作家嘆嗜壯懷燈下酒憎騰老眼霧中花
白頭同譜今餘幾腸斷當年共草麻

竹初用導引之術面有少容蓋已學道有得矣戲

贈

英雄歲晚例修真一寸丹田守谷神古有長生今亦鬼
天如可上地無人煉形未必逃蟬蛻導氣聊堪作烏仲
君是錢鏐老孫子故應多閱幾紅塵

近日刻詩集者又十數家翻閱之餘戲題一律

只爲名心鉢肺肝紛紛梨棗競雕刊豈知同在恒沙數
誰獨能迴大海瀾後代時逾前代久今人傳比古人難
如何三寸雞毛筆便作擎天柱地看

題徐惕庵篋杭遊草

讀書從宦兩相礙風騷不在簿書內誰能作吏兼作詩
判牘操觚並稱最惕菴年少一博徒兄事爰絲弟灌夫
暗嗚叱咤萬人廢意氣上薄秋雲孤百賦千詩特餘事
不矜束卷牛腰粗一麾出守劍出匣強項不爲權勢壓
曾翻寃獄惱上官眼中之釘爭欲拔封章劾奏下圜扉
磨刃以須血齊歃熱鐵在頸杵在肘只待報聞便行法
理直終蒙

主賜環幾同生入玉門關一重公案平反後士女歡迎
賈父還從此聲名徹雲路首郡移旌教條布三年秩滿
佇遷官忽厭黃堂思粉署遂換頭銜畫省郎暫歸奉母

閒居賦如此奔馳學久荒也應才盡老江郎那知未秃
生花筆來玉齋盟又擅場半年吟成二百首西遊睨上
東餘杭健筆還堪鬪霹靂清音更叶鳴琳瑯始知賢者
不可測吏事詩情兩不妨獨惜君饒濟時策萬里折衝
人辟易才氣無雙李隲西豈宜燈牕閒弄筆卽今荆襄
方轉戰正需公等好膽力我欲勸君去策勲上馬殺賊
下馬檄

傳文忠公以子嘉勇公勲封郡王追贈公如其爵
江鄉故吏恭閱邸抄一國恩私誼感涕交頤敬

成四律

濟美分茅士追崇湖構堂相門兼有將異姓特封王不

數韋平盛真看帶礪長褒忠

恩命極誰不涕沾裳

曠古真希見桐封累代榮世家蕭北府

遼安蕭氏世膺北府宰相之選

王爵

李西平懋賞頒金策崇勲勒鼎銘豈真因子貴公自有

忠貞

甘載黃扉地從容退食遲當時初不覺今日有餘思長

養人才出調和國脉滋昇平論相業主粗本非私

遠附玉門瑟殊慚越分嘲六年東閣吏甬世北平交喜

聽新龍話重懷舊燕巢受恩貧賤日此意總難拋

題蔣心餘攜子遊廬山圖為合嗣師退孝廉作

我昔遊廬山孤行少伴侶但鏗拄杖聲遙谷塔鈴語今

朝讀君廬山詩乃知先我采其阻高才勝境兩相值磁
石吸針鐘應杵山靈不放君空回君亦不肯虛此來胸
中萬斛泉遂湧欲與石梁瀑布爭喧歷况復鶴鳴有子
和登高作賦非凡材或疑二兒昇陶令籃輿閒赴近局
杯不然坡公石鐘泊與邁同步凌崔嵬快哉此遊足千
古海綿萬頃天爲閑惜我曩時鞭獨控先後十年成各
夢若使同看九疊屏也應喚作三遊洞曾聞元白遇夷
陵文酒流連旬日共事往空思寫木蓮道人已騎白
鳳天爲徐凝藏惡詩不使與君相伯仲一幅生綃想故
人履綦陳跡淚沾巾慰君幸有斜川集託寫匡廬面目

題金玠堂客牕偶筆

稗乘紛紛各逞才
壞人心合付秦灰
多君巧用齊諧體
演出儒家語錄來

史才獨擅苦無施
聊據新聞小試爲
毛穎陶泓原有例
古文手筆作傳奇

不炫新奇不撮空
採來都在見聞中
笑他司馬相如賦
烏有先生無是公

老藉叢書引睡魔
此編猶未廣搜羅
鄙人賣菜還求益
要看容齋五筆多

讀宰輔編年錄

五雲多處是三台
千古安危繫卜枚
何偃阮韜皆有貌

江充李訓豈無才承平易說功調變多難須看策挽回
青史一編論相業和羹累代重鹽梅

偶書

牛馬力最苦供人耕與騎是宜享甘旨稍酬筋骨疲而
乃參芻草并不獲鹽豢斯人何功德同此生氣滋安坐
役牛馬甚或到肉皮此理太不公畧無小等差露蠹縱
有異厚薄何至斯乃知大化運亦難盡得宜人生念到
此得不存幾希

蘇州元妙觀登三層樓

傑構雄都會重簷碧落邊地離天不遠道與釋爭傳紫
極宮垣峻青冥殿榭懸侈功窮土木壯觀奠山川臆俯

千尋樹香連萬井烟
獅林人僅寸虎阜塔齊巔
玉座三清像瑤臺八洞仙
圭裳班肅穆旌旆勢飛驚
岳瀆羣神列風雷一氣旋
猶龍宗派遠鳴鶴咒符先
科律黃冠習威儀繡被翩
八琅天樂曲七宿斗壇筵
丹篆雲霞古金莖沉瀝鮮
降魔椎作杵送鬼紙爲船
別有披篋客相傳

脫屣年

宋何立肉身尙存

東臆看鼎鑊下界棄蹄筌地以仙靈著

人彌信嚮堅神都增盼嚮佛刹遜喧闐

萬乘巡曾駐三元會共虔周
廊千步地列肆百區塵祝
卜筮篇集遊觀屐烏駢種桃
詞客何賣藥道人錢我躡
丹梯級來繙綠字箋市聲囂
不到天籟咳相連眼廓三
玉界胸羅廿八躔置身霄漢
上已覺斷塵緣

借激堊齋生宿高旻寺次日鑑公同遊金焦遇趙
偉堂縣博及巨超諸僧作詩會又同往甘露寺
出游無勝地不如閉門坐勝地無良朋不如掉頭遇今
日何日樂事并高僧名士同江行金焦相距不五里烟
雨空濛一帆駛正逢詩社建鼓旗同叩禪關脫巾履人
皆林下閒神仙地是江南好山水快哉人地兩清絕意
本不圖緣偶結明朝竹林招隱寺乘興更擬尋曲折人
生得意勿太貪且留不盡待再探

秦良玉錦袍歌

卸了香襦縛袴褶女將軍赴疆場急戰袍裂盡錦袍存
猶帶當年淚痕濕召對平臺拜賜時爲旌健婦勝鬢眉

五色繡成宮女線九張機織尙方絲可憐此賜非輕得
歷歷忠勲九重識奢安軍變定川南遵永城亡趨直北
世間有此虎胭脂女授男官總兵職俄驚烽火滿夔巫
橫梁專塵蜀中賊撲面塵沙當粉塗滿頭蓬葆臨風灑
縱有羅紉豈暇披甲裳血汚淋漓赤扼險終傷計不成
行臺文士不知兵嚴關徒把羸師守一敗諸營盡土崩
事去徒悲謀不用三巴同入滄桑痛一丸泥遂閉函關
千樹桃仍罨秦洞娘子軍雖敗陣歸夫人城少降箋送
此袍猶是舊君恩盥手開奩時一慟什襲收藏付後人
扶南犀杖泣亡陳敢論衲服黃金甲聊返初衣白氎巾
遺笏魏家先世澤傳衣曹洞昔時珍陋他譙國高涼洗

錦嶽重詩嶺外巡

石刻諸葛忠武侯像歌

像為闡立本畫後有王齊賢摹本張南軒贊朱

考亭書印君鴻緯於膠城俞氏見之借摹土石

以廣其傳爰為作歌

諸葛大名垂宇宙豈須絲把平原繡誰摹遺像入貞岷

墨本新翻唐畫舊臥龍當日出山遲三顧情深始展奇

倉猝扶危敗軍際畢生盡瘁受遺時天心已定三分局

臣力猶勤六出師巾幗姦雄甘不戰髡鉗僚吏泣無私

八百株桑傳素節二千尺栢楓英姿圖形未續雲臺位

墮淚還先峴首碑石相丹青遺髯第妙手重撫稿頻易

南軒作贊考亭書愛其人者實其蹟清高既肅宗臣容
題拂兼增大儒筆印君遇之倍珍惜更做殘縑壽諸石
遂使綸巾羽扇人一身化作千百億我昔南遊緬節庵
七星闕上拜公祠在貴州畢節縣宰相威儀儒者氣至今迴憶儼
鬚眉老來訪古倦行脚得此莊嚴供去聲齋閣風貌寧煩
粉本臨典型幸獲辦香托愧無長策效馳驅惟有清襟

師澹泊

綿州刺史劉蔭萱駐藏回蜀遠寄藏佛一尊賦謝
我聞佛有千百億化身本寓言耳乃竟真自從霍去病
收獲休屠神後來明帝夢金人遣使求得四十二章經
釋迦之象偕來賓其始但圖畫竿融特規裝壞新爾後

遞仿製葫蘆依樣遍入垠琢交石鑄貞珉雕檀櫛范金
 銀最賤用土木尤易紛傳新三家之村一閩市皆有過
 去未來現在三世尊其多豈特八萬四千阿育塔直與
 恒河同數微沙塵然皆震旦造非從身毒到漆器終推
 襄樣採錦紋須出蜀江漂旄牛徼外烏斯藏傳是耆闍
 古靈隩曾出帝師八巴思大寶法王賜嘉號至今已閱
 幾輪迴換身猶帶前生竅其俗家家修淨業大乘黃教
 小紅教良工善鑄如來容真本臨摹狀維肖不比買休
 畫應真僅向夢中見風貌綿州刺史劉孝威從軍絕域
 窮奔馳腦口逐髓月氏梯危縵險二萬里歸途又餉駐

藏師

君從征廓爾喀歸途雷藏
 遊程三年期滿始回蜀

購得一尊遠寄我名以長壽代祝

詞我不知是彌勒是牟尼抑或阿難迦葉及辟支恰比
中上黃金面豐上銳下差毫釐惜哉女六身縮作三寸
小難具三十二相八十一種好棘端刻候地幾多七浦
八平何處可施巧珠火眉微分青螺髻空繚安得金粟
影接寥天長玉毫光其素月皎要是彼中五嶽真形圖
不用減鼻開唇屢易稿譬如唐家方鎮雖各有旌節終
輸本色來自長安道緊余衰朽枯木禪得此瞻禮良有
緣愧無七寶莊嚴般若坐亦少百花供養伊蒲筵腰不
能爲膜拜折詩豈足當梵唄宣燈傳難助長明火筏渡
尙虛六願船惟有此心清淨退周妻何肉早悉蠲已作
在家出家一老衲蕭齋正可同龕眠

讀香山詩

我讀香山詩曠懷真灑落顧皆預防死所以早尋樂是
其方樂時中懷已作惡何如無成心悲喜隨所托悲則
有呻吟喜則有歌嘍

讀方干詩

我讀方干詩求進一何躁處處乞薦章誓以殺身報豈
知要路人高居但暗笑曾無一文持徒有百篇噪區區
蠅蟻命願殺亦誰要

讀東坡詩

我讀東坡詩十首九懷歸至竟八州督因循未拂衣晚
遭瘴海行徒飽毒手成若早奉身去或免蹈禍機始知

勇退難達人貴知幾

聞湖南苗首就誅軍事告藏詩以誌喜

露布遙傳定百蠻五溪烽火報平安生來盤瓠原殊族
初起車巴尙畏官持重徒勞穿土室成功終藉戰臯蘭
始知用武承平世儒將非難健將難

千里荆襄尙盜區

湖北

繡衣待斧未全誅好移虎帳平蠻

卒來掃虫沙伏莽徒鬼道不靈穢米賊兒啼可怖避麻
胡待看蕩洗兵氛淨依舊耕桑遍兩湖

人參詩

偉兒久病需男參劑市價甚貴白金三百兩易
一兩尙不得佳者囊閱國史我朝初以參

質高麗定價十兩一斤麗人詭稱明朝不售以
九折給價而我朝捕獲偷掘參者皆明人以
是知麗人之詐起兵征服之迨定鼎中原售者
多其價稍貴然考查海餘壬辰甲午兩歲俱有
謝揆愷功惠參詩一云一兩黃參直五千一云
十金易一兩皆康熙五十年後事也其時參價
不過如此乾隆十五年余以五經應京北試恐
精力不支以白金一兩六錢易參一錢二十八
年余病服參高者三十二換次亦僅二十五換
時已苦其難買以今較之更增十餘倍矣市值
愈貴購之益艱詩以誌慨

貧家患富病用藥需復劑吾兒抱沉疴藉補丹田氣其
如價過昂刀圭購不易此物瑤光星散華凝入地三桎
五其葉獨與凡卉異結子蓮米紅分陰假樹翠年深根
成形肢體或粗備土中兒啼聲往往驚夜睡其始出上
黨僅等苓朮類地運有轉移乃爲我 朝瑞高高長白
山鬱蟠王氣萃靈苗茁其間孕結飽生意以之療羸疾
庸醫亦奏技幾同返魂香不數肉芝臂當年評直賤購
買不繁費十金易一斤鄰市舊有例十金易一兩詩家
亦有記迨我服食時猶只倍三四彈指三十年微貴乃
無藝一兩三百金其品猶居次中入十家產不滿一杯
味珍過服玉方艱於鍊丹秘古稱萬金藥始信語非僞

嗟哉此神物天以救疵癘乃因價不訾翻若天勢利但
許活富人貧者莫可冀此事關隱憂蒼生命所繫吾兒
病已深非此不得濟燃眉倘可救剜肉遑敢計搜括罄
貲儲典賣到衣被所愁力將竭兒病痊尙未中宵撫空
囊徬徨不能寐

題陳東浦潘伯敦拙堂詩集

學詩必學杜萬口同一噪連城有真璧未可砥砭冒鳴
呼浣花翁在唐本別調時當六朝後舉世炫麗藻青蓮
雖不羣餘習猶或蹈惟公起掃除天門一龍跳骨力森
開張神勇鬱雄鷲陽烏掩燭火轟雷塞蚓竅天壤此一
途疏鑿曾未到一開五丁峽遂坦九軌道坐令翰墨場

莫不奉旌纛微之彷彿切退之師排冢義山鍊格迥涪
翁取徑峭豪宕放翁吟悲壯遺山弔斯皆分杜派各具
一體妙迨明李何輩但摹面目肖彭亨鼓蛙怒咆勃奮
虎嘯徒滋虛氣張終覺輕心掉曠代有東浦孤詣戛獨
造淵源泝雅騷根柢本忠孝讀書必破卷陋彼管窺豹
出語必驚人鷲若鞬脫鷁力厚巨鼎扛思沉重淵釣每
於樸僊處雋味出揅拘以迨少陵作磁鐵兩孚召得皮
兼得骨在神不在貌緬昔老拾遺入蜀詩益爆長揖嚴
尹幕高歌葛相廟至今舊草堂萬丈光尙耀先生甫筮
仕卽泛錦江權固知關宿緣豈特發遐眺新詩十二卷
精心躡堂奧子美有替人當亦意不料寓齋得披誦狂

喜成絕叫惟應辦香燃敢肆飯顆請傳語學杜人津梁
此先導

金二雅繪稷游圖集蘭亭字爲序長卷索題戲書

其後

天邊鴻鵠隨家鷄集句已被東坡嗤况復割裂巧集字
大方之家應不爲豈知此法昉梁代千文韻語今猶垂
李唐奉佛聖教序亦掇墨寶刊穹碑遂令右軍好手迹
幾遭寸磔無完肌蘭亭真本尤絕筆幸未碎剪翻錦機
金君被飲忽遐想湯燁暫借充饋遺不取其文取其字
一篇別構春游詞破之片片墮地甌貫之縷縷入扣絲
百寶修成滿輪月衆腋聚作無縫衣咄哉文心太狡獪

繭紙幻此一段奇稷游圖邊稷游敘句新字舊觀者疑
何須眩篋缸面酒已似染毫洗墨池地非會稽世非晉
蒼然突出王羲之重三從此增故事不數典午永和時

題黃陶庵手書詩冊

五言律十三首乃崇禎丙子赴試金陵進卷之作書於是年九月十六日蓋在報罷後公

至壬午始舉於鄉次奉成進士殉節於乙酉距作詩時僅十年耳查生郡博購得此冊敬題其後

作詩赴舉時寫詩落解後詩不必坡谷字不必顏柳遺
蹟乃獨珍光壓瓊瑤玳是時明社將爲墟方赴鹿鳴鄉
射耦迨公通籍已板蕩需次里居歲乙酉天兵南下金
陵降風掃百城快於帶馬前叩頭草間活國破君亡誰
拒守公也林下一書生衣不掩脛袖露肘回天挽日何
等事豈出區區措大手揭竿市兒無戈矛擇褐鄉官未

印綬無端糾集一旅帥欲飽百萬磨牙口山河改局鼉
折柱天地爲籠魚在苟正惟成敗百不計足知志定甘
授首嗚呼公已騎箕去故紙殘零亦何有一鱗片甲乃
幸存其字其詩遂不朽摩挲忍污寒具油激賞欲浮大
白酒君不見同時衆名流聲望出公右書推王孟津詩
擅錢蒙叟至今令人笑齒冷斷楮零縑付醬瓿

馳北集卷三十九
巳丁

陽湖 趙翼 雲崧

丁巳正月葦堂自雲間來為余補稱七十之觴次

留別韻

扁舟迢遞欸柴扉為補稱觴介古稀著述等身君亦老
交遊滿眼我何依棗梨銀板謀將就君將刻詩集 弧矢懸門志
久違安得後堂絲竹好相留宴衍醉忘歸

大箐中古藤

材不中棟梁性頗似葛藟旁抽纖條爪攫空中孕濃漿
血凝紫高掛喬柯下拖地到地又躍樹頭起來不知何
所始去不知何所止得非癡龍此遊戲不見首不見尾

但餘尻脊隱現箐林裏懸崖可作梯升雲橫澗便當橋
跨水千夫併力一掣之牽動松杉幾百里

吳梅村所詠陳相國拙政園今爲蔣氏所有立崖
大梅厂置酒招同王述菴侍郎范蔚林秀才讌集
于野兄弟並侍焉詩以誌好

平泉遺墅好池臺地主今成蔣徑開小兩代驅游客去

晉書
清風

清風恰送故人來

杜牧詩清風來故人
進卷先一日至蘇

鬚眉交映松杉古

裾屐相從子弟才可惜梅村不相待每吟佳句一低徊
和蔣立崖虎邱用東坡韻之作

海湧一簣山小邱不成嶺祇以近都會烟火鬱萬井自
從闔廬興魚腸劍光耿遂開銷金窩遊客沸蛙鼃盤陀

千人石趨若金在礦跡過竟孰傳風掃秋籜猛惟有嶺
山翁偶此健筆騁至今人競誦慕古尙凄哽乃知名士
力千載等俄頃立崖澹蕩人才高性孤冷路貪近游便
意追前賢永麗矚抒雅懷清吟攬佳景林亭寫成圖絕
勝軌革影君倘來結廬吾當頻造請

題蔡義士永清柳陰閒坐圖

少游蓮幕裏晚憩柳陰邊辛讜危曾赴朱家俠可傳已
收豪士氣還結善人緣晏坐臨流處襟期一灑然

和立崖詩後檢杜少陵壯遊篇有東到姑蘇臺闔
廬邱墓荒劔池石壁仄等句是子美先已遊此
而今莫有稱者爰再次韵以詒立崖仰蘇樓畔

更築一懷杜閣以傳遺蹟可乎

遊山得勝覽不復躡峻嶺汲泉得甘味亦輒捨深井物
情大抵然星替月光耿虎邱有坡詩獅吼礮萬壩名蹟
遂獨擅和者句煉礦豈知少陵翁壯遊氣豪猛劍池關
廬墓先曾行脚騁今乃人莫知湮晦足悲哽君家吳趨
坊負郭有二頃盍仿呂汲公草堂葺荒冷
地非浣花幽跡以誅茅永庶共仰蘇樓分占茲山景羅
池誌所文孟亭畫壁影故事倘可循私心竊有請

占汲公鎮成都訪浣
花溪遺址重葺草堂

揚州寓齋椿樹一株高五丈許數百年物也夏日

納涼了無暑氣作詩記之

檻外靈椿古繁陰五丈橫兩來無濕地夏至已秋聲借

蔭當張蓋驅炎省搭棚八千春最壽老愛此佳名
靜中觀物理似爲便衰慵紅日將增暑綠陰亦漸濃因
高多宿鳥無艷惹游蜂晚飯經行處盤桓當撫松

閱明史有感於流賊事

萑苻何意蔓難圖初起潢池本易俘賊不殺官猶畏法
兵無戰將孰捐軀師行共指軒中鶴寇去方追幕上烏
歷歷前朝陳迹在是誰專閩握軍符

百年安堵享昇平誰肯輕生肇亂萌死有餘辜貪吏害
鉅而走險小人情彈丸黑子皆紛起繩伎紅娘亦橫行
好片桑麻繁庶地烽烟千里廢春耕

累朝中葉有誅鋤天爲人多要汰除孫萬斬來塵滿野

劉千斤起血流渠瘡深諸老猶言癩篋後殘黎轉憶梳
也是閻浮提一劫縱橫白骨莽郊墟

重到馬蹟山

不到夫椒久重來訪釣磯雨餘山色嫩草長岸痕肥紫
燕教雛舞烏犍帶犢歸近游舒野眺殊勝掩荆扉

汪屏周宅喜晤畫士張玉川昔年同客文端師邸
第者也二君今皆八十餘余亦七十一矣握手
道故欣感交集兼寄時齋副憲

四十年前踏軟塵春明邸舍記靈椿

邸在椿
樹榭榭

那知晚歲無

同輩猶剩貧交幾故人白首朋簪聯近局青燈寶館憶

平津不知東閣郎君貴可亦相關念昔因

時齋弱冠時
常共談讌

子才以雙湖太守禁妓作詩解之戲題其後

登車紅袖滿啼痕詩老爲招已斷魂十四樓高功保障
平康護法好沙門

八十衰翁已白紛惜花心在老逾殷哥舒半段槍無敵
專救人間娘子軍

南部烟花手護持君房下筆妙言詞女閭援到齊桓例
莫是貪他夜合資

巧爲蛾眉作主張一言感煞衆紅粧知君九十開筵日
定有湘蘭百妓觴

多少妖姬又治容家家虔炷辨香濃青樓占得長生位
也抵先儒祀瞽宗

渡江

又指瓜洲渡輕舟狎暮濤江山長不老名利兩空勞稍

喜張帆穩寧誇擊楫豪前途有蘭若一訪遠公高譚高晏寺
銘和尚

老主要知止夜行殊未休已拋文字蠹猶作子孫牛大

夢誰先覺勞生敢自由漆園應暗笑夜壑苦藏舟

題嗇生徐州勘災散賑詩卷

勘遍災黎灑淚枯歸來詩卷帶泥塗萬家感泣鮮于路

一幅流亡鄭俠圖死已隨波作魚鼈生猶栖水似鷗鳧

可憐飢溺相關處一个儒官抱贖吁

題曾賓谷運使邢上題襟集

稊飲紅橋事久無使君重把雅輪扶詩聯陳起江湖集

旬入張爲主客圖人本玉堂工授簡官閒鈴閣愛投壺
劇憐我昔揚州住旅館清吟興太孤

治病

壯健殊無疾俄驚體不康刀圭纔下藥癰疥欲成瘡誰
覓三年艾徒歎百沸湯及今猶可治急選國醫良

書感

從戎曾問日南琛中土何期起綠林敢幸退閒身不與
自傷衰老力難任江湖憂國迂何補戰伐稽時禍恐深
只有天心終厭亂曾消妖霧豁重陰

麥秋大熟收穫纔畢大雨尺餘插秧遍野詩以誌

喜

萬戶歌呼喜不勝
來牟收後雨連騰
揀秧功早晨炊黍
打麥場忙夜點燈
餅餌香聞行路客
饋棹閑似退堂僧
不知此地民何福
兵火西南正沸騰

夏寒

正當驅暑候偏怯
薄寒時夏日翻堪愛
秋風似預支白
因水氣盛枉負樹陰垂
紈扇何須怨
裘遷六月裁

懷塞外友人

五馬相隨似弟昆
別來喜聽建牙尊
豈期蜚語傳金穴
竟掛彈章出玉門
援廣難施修月斧
譴深長戴望天盆
可憐昨歲猶書到
念我江南黃葉村

雨不止

客牕聽雨夜如生
蒼酒丁東斷復連
絕似小兒啼不住
終宵攪得老夫眠
方野田塍漲白波
甘霖翻恐沒新禾
曾經乙巳年荒旱
不敢嫌他雨過多

贈張友棠孝廉

我來揚州把談麈
絳紗弟子殊僣僣
就中最賞張思曼
七言韻語尤清新
君亦傾心自著錄
康成門下稱傳薪
講堂散後五六載
每一相見情彌親
嗚呼近時山長席
鵝湖鹿洞非等倫
鄉官聊作祠祿寄
諸生藉補館穀貧
此豈有意在學問
毋怪別後同路塵
君獨不以老耄舍
自因知味其苦辛
其思沉密學繁博
功力更復老斲輪

組織能成錦五采鍛鍊不惜錘千鈞壘堅牆厚攻不破
 開壁一戰摧強鄰眼前突兀真畏友先導吾敢誇梁津
 識途馬已智無用擊韝鷹方氣未馴看君出應著作手
 詞壇旗鼓驚千人

野泊

扁舟晚泊傍村家露草浮光月未斜螢作火城蛙鼓吹
 野夫何處不榮華

訪張瘦銅家人無知者感賦

吳會坊邊巷路斜重來腹痛幾迴車孤竈不第方三拜
 才氣無雙温八义尚有紵詞歌北里并難葛帳訪西華
 傷心三十年前事夜夜深談剪燭花

君昔在京
 喜寓余邸

題沈旣堂前輩載書移居圖

買宅何須百萬奢，爲貪隙地好栽花。
移居大似村夫子，滿載圖書殼鯨車。

檢校資儲一番忙，犬雞都點入行裝。
押綱不用鐵羅漢，家具無多只縹緗。

牙籤整妮上行冊，卷帙真看欲汗牛。
比似米家書畫舫，陸行水泛雨風流。

奏賦蓬萊舊擅名，宦成那復作書生。
祇應結習難忘處，老戀青燈倍有情。

八詠樓新葺綺寮，又排書帙遣良宵。
只愁撐滿便便腹，難作東陽瘦沈腰。

題瓊花觀圖長卷

卷長三丈餘多唐
宋以來名人題識

廣陵胭脂氣薰天惱得天花欲妬妍一朝飛來蕃釐觀
要與色界爭新鮮三千殿脚萬驍果拚擲江山就花坐
南朝枉白誇瓊枝艷殺羣芳無一朵風流賢守惜花心
更榜無雙白石亭想見浦城遊女集夜歸齊妬玉娉婷
司花天女偏膽小驚失瑤林一株好急遣巫陽下界尋
收得香魂天未曉從此人間不復見附書難托風箏線
花生花死一千年只當優曇纔一現我來訪古步庭墀
但有丹青一幅遺兔葵燕麥久荒寂樓臺猶仗虛名支
月下珮環招不得卷中人可崔徽識挑燈題罷露臺寒

一樹冬青夜深黑

故址今有
冬青一株

爲人題畫

上有喬柯下曲池涼颺微皺碧漣漪眼前此景非難得
難得蕭閒晏坐時

讀王予中先生白田存稿敬書於後吾師汪文端

公嘗出先生門古人以親受業者爲弟子弟子

所轉授者爲門人余於先生淵源故有自也

去古日以遠道學世所鄙方厭老生談孰究先儒旨風

會趨益下其病正坐此白田王先生學獨務根柢下惟

窮六經插架辨諸史蘇湖初教授名高特薦起 鑿坡

稽古榮

特賜翰林院編修

鶴禁毓德美

上書房行走

疏廣賜金歸力更救

桑梓生膺蒲輪徵歿入馨宗祀嗚呼洵完人邈矣前賢

軌嗟余生也晚汨沒詞章裏一朝讀公書不覺投五體
在昔東坡翁怕見逢掖子或以鬼怪嘲或以麀糟詆獨
於周濂溪弗敢一言毀造物乃其徒恨不奉杖履
見蘇集濂溪詩
是知真大儒折盡才華士我劣本無才敢以坡自擬惟
此服膺心傾倒有相似韓門出陸莊况是小桃李雖未
枕膝授豈遂傳衣止著錄稱門人例在通德里祇應飲
思源遠溯崑崙水

前和立崖虎邱詩勸築懷杜閣以配仰蘇樓蓋一
時偶見及此未敢必有成也不一月立崖書來
亡與同志諸公擇花神廟旁地擬卽日營構可
謂好事矣盪前韵以堅其約

偶然想爲山未敢必成嶺我倡懷杜閣覓水慮督井豈
期同好多慕古心共耿寥勝花神効薙草辟鼃鼃不惜
錢編埒寧待金取礦計日馨鼓興趨事力何猛此邦士
大夫洵多雅懷騁爲護鴻泥痕如祝鳩杖哽佇見凌虛
構落成在俄頃茲山有蘇樓孤寄本淒冷卜鄰得同調
益張大名永千古兩詩翁同占名區景劍池明月夜往
還有二影我當來守祠不待諸公請

立崖諸公方營杜閣東浦藩伯暨李松雲任曉村
二太守聞之共誇盛事適虎邱有蔣氏園求售
共捐俸千六百元買爲閣基任君并以虎邱本
白香山守郡時築塘開路遂又祠白公於其中

懷賢好古皆名流韵事也書來促余往觀厥成

先憂韵奉寄

爲山得大力蟻埴忽成嶺諸公營杜閣規畫方井井事

已聞當路名宦有軒耿

明軒輓與耿九疇文名時稱軒耿見明史輓傳

尙嫌所荒度福

灰類坎池一擲二百萬買園刻壘礦始嘆達宮力迥勝

素士猛風流賢太守妙思更旁騁懷杜方慨慷思白又

淒哽遂彷彿彭澤田杭秫各半頃溪移浣花幽路闢香山

冷恰對仰蘇樓鼎足名並承因一乃得三古迹增新景

平池春雨痕喬柯夕陽影長作遊讌地客到酒可請

戲題任太守書後

虎邱山畔好亭池名迹將標杜拾遺要識官官相護處

買園先築白公祠

錦江未穩又烏蠻
灑水旋拋屋數間
生屢移家死依廡
始終福命讓香山

蓄一獅貓毛甚長
暑天不落戲書

火織炎官溽暑催
狸奴毛毯尙嗔居
居然五月披裘者
不枉教他守庫來

題洞庭刷程前川三百首梅花詩本

梅花性孤冷
貴少不貴多
籬落兩三枝
自足供清哦
豈知多更好
彌野漫山阿
羅浮數十村
鄧尉千萬柯
遂擅天下勝
遊客紛肩摩
咏梅詩亦然
繁篇古未有
老逋八章出
已占名不朽
何哉程前川
乃至三百首
別開生面

國朝集 卷三
目不落舊窠曰妙想入非非消寒遍九九元珠直遣象
罔搜璞玉竟代卞和剖豈特長康畫三毫自是陳思才
八斗人皆爲梅幸遇此知己友相得乃益彰壓倒衆芳
藪我謂懶不幸遭此寫生手巡簷索笑日干迴攝魄追
魂無處走色香神韵不畱餘後世更誰敢開口澤竭但
供一時快和寡將冷千秋久山來詩人爭大名必劍奇
觀世無偶叩門示我牛腰卷萬丈瑤光溢戶牖我吟一
詩飲一杯竟滿李白三百潑醅酒

顧晴沙選梁溪詩成瘞其舊稿於惠山之麓立碑
亭其上名曰詩塚爲賦七古一首

晴沙妙選梁溪詩二千餘年盡羅致一將功成萬骨枯

所餘殘稿將焉置既非青史蕉園焚敢托黃冊後湖閉
錦軸慮掣桓元厨銀杯恐化公權筭同志有人出奇策
文塚筆塚可援例遂傍龍山九隴長選得牛眠一弓闕
或笑秦儒將被坑或疑李集欲投厠豈知琢石比榔堅
兼復立亭彷彿瘞遂使此邑千才人詩魂上天魄歸地
雖悲一邱貉不分且喜千腋狐已萃昭陵匣殉修稷文
汲郡簡藏編年記多少精靈聚一團行看蒸出菌芝瑞
清芬自少荆棘生酸氣并令螻蟻避宿草滋含文露濃
野花開帶心香膩嗚呼才人苦愛名慮到陵谷變遷異
元凱碑付江波沉思肖函從井底墜猛將甘作沙塲塵
酒人願化陶家器此舉正合古遺法不怕竊鈎出非意

發邱郎識無金銀掘墳賊豈要文字况諸作者非並時
前不預知後徒企賴君作合結同龕不隔去來今三世
有如周秦紀行篇蛾眉一堂集佳麗又如幽燕憫忠寺
馬鬣一坎聚烈義故鬼新鬼紛並肩舊雨今雨欣把臂
月下定有秋墳唱茂除不煩詩草祭九原詞客果有知
此亦吟朋大快事我來經過一憑弔欲喚何人葬無次
但覺蒼蒼宰木邊常有光芒透山翠

爲錢梅溪題其尊人養竹山房圖

種樹十年計不如覓椁栽椁又不知竹本具千霄材此
豈待人力養之從根莖山房有高士乃復勤滋培芟柞
茨棘叢畚除瓦礫堆生意益以足出地奮蟄雷佇看句

日間直上青雲開默隨風輪長披詩風輪曉長春筍節不煩羯鼓催遂

成青琅玕森森不几才釣竿拂珊瑚海嶼管鳴鈞臺畫簷

絢五色魚須搢三台始知直養功迥勝手植槐

哭偉兒

二十年無一哭聲此生應免起哀情誰知時命無終泰

臨老西河欲喪明

未必興家且保家少年早自戒豪奢烏衣門巷牛衣志

不聞人間金犢車

猶記生時有吉徵異香滿室兆榮名兒生於鎮安官台時異香滿室誰知兆

也無憑準只得頭銜廩膳生

拮据參苓恐不供但愁病劇敢愁窮一年心力枯何補

圖考
卷三
三
囊到空時命亦終

身病堪醫心病難生來心性憤憂煎可憐半月前孤枕

將要長眠轉不眠臨歿前半月
通夕不眠

就醫吳苑半年淹勢急歸舟夏正炎氣力自知支不得

時時問過幾郵籤吳門就醫半年到
家僅六時即屬纏

時到彌留倍可傷不呼妻子只爹娘五更續息微將絕

忍死催移到我床到家臥其房不安速
呼移就余床而歿

痛定追思痛更深自知不起病加沉恐傷乃父心難割

淚欲流時輒掩衾

兩孫卅角尙兒嬉他未知悲我更悲七十衰翁頭白盡

豈能撫到長成時

彷彿幽魂尙式憑微風入戶閃孤燈定知汝不離吾側
只是干迴喚不磨

入棺猶是舊容姿從此真無再見期一語九原聊寄慰
我來應亦不多時

七夕爲偉兒三七之期

三七剛逢七夕期常年瓜果具盤匱而今忍說雙星渡
正是孤嫠飲泣時

追悼補山使相

荏苒纔起將星亡丹旄飄飄出蜀疆嗣祖焉知非是福
李流今已漸爭強九原氣作山河壯五等勳封帶礪長

恩封伯爵

贏得口碑遺論在公存不至賊披猖

石稜眼焰戟鋒髯節鉞威名懾萬夫

帝謂魏徵偏嫵媚人知呂相不糊塗開邊倖亦書生膽
按部聲先墨吏誅今日平心論人物封疆籌略似公無

聞秋旆制府墜馬得風疾寄慰

烽烟楚蜀正橫戈失足驚傳馬注坡戎幕共推更事久
軍麾終仗發蹤多鄭收風痺猶傳檄宗澤彌留要渡河
得與古人同力疾半人不啻萬人過

再哭偉兒

紙錢焚與作冥資知到閻羅第幾司汝去決非爲賤鬼
我來翻幸有親兒生前小膽多驚恐死後孤魂孰護持
思子臺空聊假寐夜深或有夢來時

聞秦蜀兵夾勦流賊奏捷喜賦

軍報傳來野老家喜聞奏捷出褒斜固知賊尙非張角
從此軍應獲呂嘉腹背夾攻窮穴鼠尾頭雙捲運常蛇
由來討逆須威克持重徒延歲月賒

屈指軍興歲一巡寇氛流毒遍村鄰醉人味似糟豬肉
殤鬼冤爲野馬塵復矢幾家招故壘亂骸何處認前身
而今絕似償冤報賊寨啾啾哭碧燐

答子才見寄之作

仙有颺輪佛有航書生失計落詞場死生於世何輕重
詩卷憑人說短長曾未上書青鎖闥也無殺賊綠沉槍
如何結習猶癡甚徒說文章萬丈光

顧晴沙輓詩

同向江天把釣竿扁舟來往最交歡曾為才子先登第
要作高人早去官遺愛尚留秦蜀道吟情欲闢杜韓壇

君詩另
成一家

那堪纔寄詩筒去不及燈前一拆看

詩家篇總付夜航船
寄去是日即聞君訃

省署簪毫出建牙我歸君亦即還家

君歸田後
我一年

居鄉月日

持清議奉母晨昏誦白華藻思捷如驚蛟蝶草書工過

壓蝦蟇誰知手選梁溪集自殿羣賢押後車

君選梁溪詩
集甫刻成

湖海

湖海生平氣徒悲兩鬢皤作詩新意少入夢死人多薄
俗羶螻蟻虛名疥駱駝何當一藤杖空谷老烟蘿

讀杜詩

杜詩久循詭今始識神功不創前未有焉傳後無窮一
生爲客恨萬古出羣雄吾老方津逮何由羿彀中

用少陵壯遊篇韻空可題懷杜閣兼呈東浦藩伯松

雲曉村兩太守解自立崖明府

曠世有相感千古惟名且勿杜陵天人姿才思軼班揚一
生遇坎塲枳棘棲鸞鳳乃其驚人句塞破萬錦囊至今
咳唾餘猶足潤枯腸所以名不朽高欲摩穹蒼後人仰
遺躅肯使墮渺茫成都巷口郭宅任城泛池航至今尙護
惜歷劫窮滄桑茲山公所以咏園廬邱墓荒節粒是知一兩
屐曾踏山花香乃讓東坡詩獨占七里塘自囚題壁句
風雨湮淋浪我來偶披檢潛采擢商皇好古有同志立崖

奮起購豫章寄懷擬築閣旻霄凌蒼涼當路聞此舉快
若獲舊忘別買蔣詡徑來不爲鄭公鄉淥水舊名園老桂
森出牆迥勝浣花溪當年十只草堂旣振墜緒冷儘供遊
興狂名更塔影舊地恰溷湧劫遂使千人石突過萬仞
岡我思公生平鍛羽飛爲鶴身悲空囊澁命托長鑱強
西枝村選僻東柯谷向陽蜀郊住稍久貲素錄事王尋
復客梓閩依人乞餘光嘉陵未暖席渝水旋褰裳瀼西
賃草屋風捲不得藏力耕仗獠奴勞以酒一觴晚落潭
衡間牛酒遽召殃統計所歷處無非謀稻粱正因饑餓
極翻以醉飽亡壯遊惟此地年少逸興長想當登眺時
佳麗快遠望劔池寒流碧石壁返照黃跌蕩風月窩吟

嘯花柳行故應魂戀驂鸞騎白狼默令晦迹顯丹蘄
煥棟梁名流愛勝地既死猶膏肓顧非扶輪手誰爲力
表揚舉廢冷灰火輟俸剝肉瘡傑構屹百尺坡亦在下
牀古迹有雙清大名無雨傷氣已壓短簿景堪畫長康
從此虎邱勝流播益未其繫余拾級上矯首凌八方緬
懷昔賢踪憑弔心激昂復嘆鉅公力締造傳遺芳雲磴
聳翠嶽風潭漾滄浪彷彿何氏園石林暑有霜深壑透
宛委浮嵐接良常懸知公精靈乘雲翩來翔

夢中

月影橫牕夜向闌峭涼新入覺衾單夢中新鬼逢多少
偏是亡兒一面難

秋帆制府挽詞

初聞末疾困炎陬誰料騎箕碧落遊
羊祜惠猶留峴首馬援功未竟壺頭
風淒列帳悲笳曲月冷籌邊古驛樓
太息荆巫尙烽火益無人可倚軍謀
兩湖節制擁高牙俄值兵氛亂似麻
劫火災岡無玉石殺機起陸有龍蛇
蠻笳夜草招降檄里鼓晨催轉餉車
辛苦頻年戎馬地故應鬢髮總霜華

封疆敷歷廿餘年重是初階出木天
死定仍爲香案吏生曾獨領玉堂仙
共推雅量休休大不藉威名赫赫傳
此後孤寒更誰倚龍門回首總悽然
踪跡雖疎意自親江湖每荷寄書頻
虛煩爲我高懸榻

不及從公醉吐茵南國烽烟悲遠道東山絲竹渺前塵
不堪重過靈巖館剩有羊曇淚滿巾

去春遊公
靈岩別墅

用白傅虎邱寺路韻題白公祠

虎阜東西寺詩仙載酒頻

時人稱公為詩仙
見舊唐書本傳

至今遊賞處又

有表彰人地較匡廬麕園更蔣徑新名流護名蹟應與
共千春

杜蘇鐺脚峙靈爽往來頻恰北三游洞何須九老人山
川今視昔亭館舊翻新懷古情何限年年此地春

滄來刺史自婁東來攝守吾常婁民送者滿道繪

圖以記為題四絕句

移守裝輕一鶴琴送行人滿召棠陰暫時小別猶攀戀

知是居官惠愛深

循聲久已播南蘭竹馬爭來擁路歡送者要遲迎要速

教君去住兩俱難

常州太守例詩人恰替誠齋作後身

楊誠齋會守常州

為語婁民

莫相妒畫溪惠水要吟春

截鏡攀轅古所聞而今也作弁髦論好官終屬名臣後

君是襄勤一品孫

君曾祖襄勤公康熙中名臣

公栢阿文成公挽詩

黃髮番番映殿墀秋風俄報飾巾期望兼勲德裴中立

身繫安危郭子儀百戰功名圖像早

九

重恩禮乞骸遲老成殂謝何勝感不但羊曇哭故知

汗馬歸來錫命榮爵頒圭組位鈞衡周官已極三公貴
魯論猶餘半部精行酒從容人避席聽歌慷慨客彈箏
生平論相推姚宋不敢輕言秉國成

烽火無端楚蜀疆其期元老奮鷹揚年高不復臨軍旅
身在猶能重廟堂華衮易名公論定豐碑賜葬人國恩
長祗應一事還畱憾未見荆巫靖陸梁

曳履星辰地最尊敢將疎賤說交親曾經戎馬同甘苦

頻向江湖念隱淪

每見余族孫味辛
中翰必問余近狀

相業已歸青史傳軍諮今

亦白頭人此生無復西州過遙憶平津淚滿巾

題鄒蓮浦小照

林霏澹無痕深樹皺衆綠超然靜者心小憩寄幽曠一

童抱琴來松風正謾謾

子才昔年預索輓詩竟無恙今以腹疾就醫揚州

又索生輓戲再作以遲其行

昔年索輓却仍留再為先生賦遠遊生有自來從萬里

君自言前生
號着山老猿

死無遺恨占千秋門前贊并收粧閣

晚年多
女弟子

海內

詩皆入選樓

秋詩人詩
作詩話

只恐替人難覓得驪駒歌罷又停騶

不早休官也列卿超然湖海結鷗盟烟花享盡人清福

詩卷遙收世大名不古不今成一則非仙非佛自孤行

承須便辨迎笙鶴天尚留君賦鹿鳴

明年戊午科鄉試
君重居鹿鳴宴矣

荆襄

生得千山作賊窠不知天意竟如何因糧掠地行常飽

隨路驅人聚益多豈有川原分李特已聞將帥用廉頗
沃天野老頻凝望早晚鏡簫奏凱歌

正享重熙憶澤流太平如此爾何求朝廷豈有人藍面
史冊從無賊白頭萬木秋風猶唳鶴浦山夜火正椎牛
也知草竊終何用已是瘡痍數十州

軍郵頻歲羽書飛殺氣蒼茫黯夕霏有福帥臣先賊死
無功幕客得官歸承平士女驚金鼓辛苦兵徒臥鐵衣

誰慰

至尊年大耋焦勞問夜到晨暉

笳鼓專征重將壇已調勁旅赴師干得人死力非威劫
殺賊先聲要命拚抵掌談兵誰不易設身處地始知難

國北集
卷三
五
卻慚壯歲從戎慣今日徒成袖手觀

鈔關門放舟至高旻寺訪鑑公練塘

尋僧問與槩牙開正值秋成稻滿堆近路仍遙綠岸曲
順流忽逆爲潮來疎林霜薄纔黃葉淺渚沙明少綠苔
一笑到門剛過午闍黎鐘已放齋回

題崔景高積書圖

貽子黃金籬不如教一經斯特古語耳移步漸換形斯
文積輕後卷帙亦不靈殘稿覆醬瓿故紙糊臆櫺胡爲
君癖好籤軸購滿廳宛委搜逸典良常訪新銘多逾鄴
架蓄秘入曹倉扁揚州繁盛地氣溢錢刀腥君獨以此
勝似欲別滑涇那知非豪舉家有四寧馨大者擅才思

快若新發硎小亦目十行背誦翻水瓶生兒有如此忍
不豐其翎縹緇厚所儲學海恣揚舩會看學成後稽古
榮大廷虎觀奪重席鯨鏗應寸莛始知積書力猗頓去
逕庭翁未雙垂白兒已萬選青

又題景高小照

獨向林霏靜處行午風涼透袷衣輕笑君愛寂翻喧甚
上有松聲下水聲

題程晴巖小照

人似芙蓉出水初清標應在玉堂居畫師錯會長康意
邱壑移來置幼輿

中秋後曉村太守招遊懷杜閣閣在左偏已塑少

陵像中爲白公祠設香山栗主右別有樓遂并
移東坡像於此仍榜爲仰蘇總名曰三賢祠虎
邱從此更增一勝地矣再發前韻題蘇樓下

入隔唐宋朝地分秦蜀嶺誰能聚諸賢晤對共廬井作

合有妙手術過先生耿

南唐有耿先生能攝人
入山見陸游南唐書

因杜兼及白營

築力已黽并移仰蘇樓粉績飾荒曠幾同縮地幻直過
移山猛想見三詩竟結伴共馳騁出有同游樂屨無獨
吟哽坡也雖後輩才思潮萬頃恰稱三雅聯豈爾孤鴈
冷相得乃益彰彌擅千秋永獨悲公去後幾閱滄桑景
至今少替人空矗高樓影一廡倘可分所願不敢請

三賢祠在塘北舟行從斟酌橋入可直到門然橋

低不能過大舟也曉村語余今年六月十日祠
將落城忽風雨大作雷擊橋碎遂可改造大橋
以通官舫謂非三賢之靈欲昌其遺蹟乎補記
中餘以詩

高閣翔鸞峻平橋彩鷁妨一聲劈雷斧百尺起虹梁自
是神開路從堪客泛航名區護靈蹟佳話滿山塘
傳世惟詩卷詞人力幾多那知千載後尙有百靈呵石
碎如丹粉橋開壯綠波由來霹靂舌詩筆本難磨

再題懷杜閣

杜公遊跡久成塵偶檢遺篇指昔因聊欲峴碑吟過客
敢爲左傳作功臣騷壇喜試凌虛步幕府能扶大雅輪

從此虎邱增故事山塘兼占浣花春

題查惕存檢書圖

崔家圖積書君家圖檢書得書必須檢方不飽蠹魚汲
綆詎嫌數搬薑莫厭劬願非書癖深誰肯此剔梳所慮
近代來卷帙日填委一部十七史從何處檢起况有諾
皋怪更復堅瓠俚萬義收不盡五車載不止重且汗百
牛訛又渡三豕欲檢下手難烟海浩無涘不如還守約
巾箱有妙旨兔園冊一編就我村夫子

題張敬業小照

砥室疎櫺俯碧流峭涼天氣尙科頭簪簪千个荷千柄
認是君家高詠樓

書法爭推腕力強
新鐫名帖戲鴻堂
閒來洗墨池邊坐
何不濡毫寫硬黃

隔斷紅塵似澗阿
竹梧亭館綠陰多
一椽欲彷彿園例

借作堯夫安樂窩

君家榜園屢借蔣春農
袁子才作寓故戲云爾

寄題法梧門祭酒詩龕圖

君家

杜詩萬里行歐詩三上成作詩必以龕毋乃拘心旌豈
知渺衆慮端在嚴關局或仰屋梁臥或觸醴甕傾屏除
萬籟靜獵微窮至精詩龕之築無多楹虛白一室涵空
明會無四圍皂羅幃但有五夜鐵燈檠想當晏坐吟興
發風簾不捲爐烟輕眼光直洞重垣透思路迥曼層霄
清一龕廣不過十笏已逾五百由旬程信哉人地兩超

絕毋怪詩律堅長城聞公家世本沙漠契苾勳門瑋
鄂卽今西南戰伐殷何不奮戈就戎幕乃耽手筆造鳳
樓遂忘弓刀畫麟閣綠知風雅味獨深嗜好與世酸醜
各君不見雲石小海牙橫絕酸齋作鴈門薩都刺亦壓
蘇天爵公才十倍此數人已爆高名動寥廓惟有湛然
居士集邪律文
正公經濟文章胸可拓好當彌勒結同龕一辨
心香寄所托

題佩香畫桃花小幅

一般穠艷笑春風才女描來便不同好當崔徽寫真卷
案頭常對一枝紅

再哭偉兒

卒哭踰時序又更一言寄汝莫傷情老懷尚藉觀書遣
不忍因兒便喪明

朱查二老大名垂都有生前哭子詩

見曝書亭及
改業錄

嘆我才無

古人半也教折福到佳兒

閱邸抄賊至利川邑令尹英圖約鄰邑周景福糾

集鄉勇截殺數千大獲全勝喜賦

邸報傳來信已真利川江上破黃巾能糾義旅同殲賊

自是清官素得民白旌不須矛戟銳丹楓都變幟旗新

早聞

聖主酬功速遷秩蠲租與命申

縣令皆擢郡守
邑不蠲租三年

衝鋒破陣總鄉農拋却鋤犁學挽弓皮蹴鞠空稱練士

毛葫蘆轉遣臨戎勒成部伍如軍令戰死沙場亦鬼雄
都是國家培養出同讐敵愾到兒童

經年羽檄促征驂只望雄師虎穴抔絕塞徵兵挑甲卒
深山轉餉挽丁男日朝家錢幣糜千萬幕府金貂賜再
三今日戰功堪載筆翻輸吏健士軍慙

共浦中丞移節閩疆不數月復奉命來撫江南吳

民歡聲載道爰紀以詩卽贈

絳節移閩暫駐驂吳儂翹首正依依重來天果從人願
小別公如作客歸民慶二舖長有托吏遵六討未全違
福星合在江南照那許他邦久借暉

來往郵籤兩月期故園頻喜駐旌麾似償少日題橋桂

惜未炎天啖荔支

仲秋到蘭孟冬即調任

三節還鄉豪傑事一年借寇

吏民思向隅獨有閩人嘆不得畱公見設施

仙霞高嶺劔州灘回首今辭行路難人指江南為福地

帝知吳下憶清官兵氛路遠民安堵穡事年豐戶飽餐

早識隨輪膏澤到下車時正雪花團

自七月不雨公到任日乃大雪五寸

題汪韓懷比部松溪漁唱圖

松桂陰森飽雪霜世家喬木歷年長誰知蠶尾題詩後

又續芸編四代香

君高祖有箕山園王阮亭題詩見蠶尾集

故鄉亭墅帶清流老夫情懷憶釣遊計日支筇上高閣

晴臆閒看弄漁舟

題謝薌泉侍御自焦山放舟金山觀月圖

焦廬探勝躡青屨吟到黃昏月一彎何事借庵庵不借

聽君放櫂向金山

焦山詩僧巨超號借庵

吹海爲天句獨雄緣知心境兩清空江神也助君豪興

不敢振他斷渡風

君詩高浪入雲飛作雨冷風吹海化爲天句最雄傑

金焦久古老坡名却欠挈舟泛月明從此澄江淨如練

詩家爭唱謝宣城

千秋此月此江天獨被先生攬勝緣笑我頻年往來慣

不曾敢放夜遊船

題周竹樵國博抱琴聽泉圖

幽尋一徑入林深閒喚崩童帶素琴不用更彈流水調

泠泠水樂有清音

此泉猶是在山時流出人間幾路岐今日故林重聽取
成速應倍覺情移

題程湛之漁樵雙照圖

問荅漁樵兩幻軀宛如論易邵堯夫何當倚杖從旁聽
參透先天太極圖
已似高僧入定時一身化兩自神奇笑他船尾漁娘好
枉把摩登咒力施

素食招夢樓佩香小集寓齋

客中破寂賴吟朋小治伊蒲餽尚能雅集不妨粗閣女
枯禪俱已在家僧座無何肉清如水室有唐花暖未冰
便抵吳門蔡經宅麻姑親降寵難勝

國水集 卷三
不是持齋學太常劉輿賦恐汚清芳得邀霞帔來仙界
敢溷天花散道場春茗烹當重醞酒臘梅開作辟寒香
留賓莫笑無暈血此亦詩家白戰方

揚州遇陸朗夫中丞子文駟感賦

士龍子弟見無因忽遇饑驅邗水濱廉吏可爲兒作客
故人已死鬼成神

湖南人傳公爲全省城隍神質之荆蕪景符御志云

西華冬服猶披葛

南國春祠其薦蘋聞道靈旗移故土貽庥倘救後人貧

蘇州人傳公謫江南城隍王夢樓云

題陳樹齋軍門辦禪圖小照

瓣香妙諦証祇園誰識官階一品尊富貴散場如夢境
英雄歸路是禪門偶舉蕉葉聊趺坐不染蓮花本淨根

蘭錡家聲有賢子何妨持觴隱江村

題周松靄杜詩雙聲叠韻譜括略

詩以詠我言本從聲韻出中有條縷分古疎後漸密隱
侯辨仄平孫炎著反切關鍵一以開千載莫能易雙聲

與叠韻六朝始梳櫛碣音響連腥瘦字母壹北有魏

伯起南有謝希逸

碣音疊韻見南史謝莊傳
腥瘦雙聲見北史魏收傳

此法皆講求秘於

專門術杜陵益精嚴對屬百不失侵替月影寒逼履江

光徹

杜詩侵替登韻逼履
文聲見玉溪友議

老去詩律細此亦細之一倘其可不

拘何以名為律無何讀杜者過眼付一瞥但誇奔絕塵

不屑駕循轍海昌有周子遙契得真訣手著括略編韻

學乃盡泄從來文字緣每隨氣運闢古人抉其大後人

剔其窄非必後所增都自鑿空獲卽如近體詩古人所
未識抑揚抗墜間妙有自然節古人縱復生不能變此
格是知本天籟豈鑽牛角僻茲譜雖小道源出脣齒舌
詎畫混沌眉乃導崑崙脈反語田顛童測字杭兀未矯
揉尙稱奇矧此諧繳繹允作杜功臣藝苑更繩尺音籤
韻府外另監一幟赤

聞賊入蜀將軍明公統索倫吉林兵追及擊殺萬
餘自此逆黨震懾蕙功當有日矣喜賦

荆襄漸覺少兵塵都入蠶叢作亂民豈有非蛙成白帝
尙煩鐵馬渡青神健兒氣力三韓種宿將威名百戰身
至竟戎行須素練廿年功早震峨岷

養兒邪教起經年處處蜂屯煽白蓮草竊若非塗地敗
蔓延將更越疆連醜徒今作纍纍狗老將仍追跼跼
漏又縱餘遺孽在也應喙伏散如烟

當陽破後賊謀更只掠村莊不據城

賊據當陽城爲兵民圍殺他賊專事野掠

此輩

豈曾逢大敵向來過看作強兵臨淮合到旌旗變焦縱
亡來壁壘平殺者十三逃十七一盤棋漸可收枰
朔風獵獵颭牙旗况有追風萬騎馳兵不畱行民少警
野無所掠賊將饑赤眉何地潛林莽白骨無名滿路岐
老聽捷音尤竊幸及身得見蕩平時

袁子才輓詩

索輓連番竟不行此番真是送登程死應仍去爲猿嘯

生不畱看賦鹿鳴花月于場供老福詩文一代享高名
只愁未免風流罪欲為緝經度化城

三家旗鼓各相當十載何堪兩告亡

謂君與蔣心餘

今日倚樓唯

我在他時傳世究誰長本非邢尹生相妬縱到彭聃死
亦塲衰朽只悲同調盡獨搔白首覽蒼茫

王西莊光祿輓詩

歲在龍蛇識可驚儒林果失鄭康成宦情淡有千秋業

文望高於一甲名

公甲戎榜眼

白首叢編成又改青燈老眼瞽

重明

雙瞽後再明

從今學海誰津導我哭先生為後生

束髮攻書到老翁未曾一日輟研窮遍搜漢末遺文碎

公最精鄭學

不門虞初小說工後輩豈知真學問幾時再有此

淹通存亡莫道無關係直在蒼茫氣數中

風起長康半點癡牙籌不諱手親持出門誤認儀同宅
築室遙催錄事貲皇甫三都求作序李邕四裔乞書碑
卽論致富惟文字前輩高風亦可思

年來孫補山畢秋帆兩制府阿雲巖相公相繼下
世林下則顧晴沙袁子才王西莊又物故生平
交舊一時俱盡凄然感懷

老來不復作詩新偶作詩惟哭故人哭盡故人無可哭
孑然顧影自傷神

武緯文經將相功儒林文苑亦宗工此皆數十年成就
何意淪亡一歲中

戲贈蔣瑩溪納姬

風情臨老尙兒嬉
買得嬋娟鬢已絲
猶勝詩人張子野
行年八十髮雛姬

曾是瑤臺第一仙
舞衫歌扇最翩翩
可應一念回頭岸
甘與維摩結淨緣

鷓鴣魚軒送到家
臘前春早綻梅花
竹籬茅舍清寒甚
要奉仙人萼綠華

花燭先期半月忙
口脂面藥扮新郎
肯人自把菱花照
小試蘇家拔白方

遣得楊枝太寂寥
知君愛聽戰塵囂
河東獅已無聲吼
又覓臙脂虎橫挑